



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 224. Et cum eo crucifigunt duos latrones. v. 27.

**urn:nbn:de:hbz:466:1-45533**

qui & palam eum Regem vocarunt. Ingressus est Hierosolymā asino insidens ut pauperculus, acclamari cæptum est: *O sanna, filio David, benedictus qui venit in nomine Domini, Rex Israel.* Sed nunquam ita pauper visus est atque cum in cruce nudus pependit. Hinc valde diserte pronuntiatus est Rex, non enim tantum voce à latrone Rex salutatur, sed scripto eoque publico à Præside Romano appellatus est. *Quis iam non videt, isto pacto Dominum indicare voluisse verum esse sermonem suum, quem initio Euangeliæ prædicationis, vti paradoxum: attramen verum proponit: Beati pauperes spiritu quoniam ipsorum est Regnum cœlorum: Ergo Rex est qui paupertati studens omnia à se abdicat, omnibus se exuit, seu solo affectu, sine etiam re ipsa: omnino. quid enim aliud? an non illa vox vere regia est. Ecce nos reliquimus omnia. Quis enim ita loqueretur, nisi qui omnibus etiam sibi ipsi dominaretur? & quod plus est pro libitu suo ludibrio haberet ac longe à le velut calce propelleret. De eiusmodi homine dictum est, *omnia subiecisti sub pedibus eius.* Nam qui diuitias rem magni æstimandam purat, hic seruus est, & de ijs sollicitus est, eas profecto non sub pedibus sed supra caput & cor habet, & premitur & vexatur. Similiter accidit his, quorum Deus est honor temporalis, aut voluptas peritura. Serui sunt omnes qui ista vel unum eorum magni æstimant, se vero paruos.*

**E**redimini igitur filie Sion & videte Regem Salomonem in diadema quacorū nauit eum mater sua in die dispensationis eius, & in die letitiae cordis eius. Iovemini thronum hunc maiestatis eius in terris ex quo regnat, ligneo quidem, sed mox inaurando & gemmis includendo osculandoque, legite & intelligite scripturam in hoc throno affixam: *Dicite omnes & singuli Christiani Tu es ipse Rex meus & Deus meus qui mandas salutes Iacob, quoniam Deus magis Dominus & Rex magnus super omnes Deos. Te imitari, tecum pauper si non est ipsa & exterius, saltem affectione interna desidero: regnum tuum non est certe de hoc mando, quia Reges Terræ non solent tali pompa compascere.*

S. 224. Et cum eo crucifigunt duos latrones. v. 27.

Obstupuit Propheta & expauit olim, quando in spiritu vidi: Deum, factum hominem & iacentem in præsepio inter duo animalia: quomodo quæso expauislet, si eundem aspexisset pendentem in patibulo, in medio duorum latronum? Sinamus Prophetam apud præsepe, nos, nos ad Calvariam ibi dignior materia expauescendi. Quid enim sibi vult sanctus vita author, inter latrones? Plura hic nec ratio, nec os sinit. Satis cogitauit cum hoc cogitauit, & dixi cum hoc solum dixi, Inter duos latrones,

O Deus

**O** Deus humilis & misericordia! quem nostrum non mordet si in conuiuio paulo humiliore loco sedere debet propter honoratores se, quis in scholis non horret sedere in Inferioribus scamus? quis in catalogis nominum, non auersatur inferiore loco etiam iure suo collocatus legi. Quis nostrum non agit Pompeium magnum, nolentem ferre parem? quis non & Cæsarem, non valentem ferre priorem! Ita Pompeios agimus & Cæsares, Christum agere, & representare, quis in animum inducit? Ego vobis mortales praecox in confessione, agnosco culpam meam agnoscite & vestram, & una glorificemus humilem Christum, illum honoremus, illi diuitias & honorem afferamus, ille meruit. Gaudete etiam latrones, gaudete Meretrices & quocumque estis peccatores, & gloriamenti in hoc vestro Principe: is est nempe qui vos inuitauit, vos recepit, manducauit vobiscum & amicum se publicanorum effecit: non enim iustos sed peccatores venit vocare ad pœnitentiam: docturus nimirum meliorem vitam & ducturus ad vitam. Salve bone Iesu, pie ac gloriose latronum susceptor, salve agne mansuetissime luporum reconciliator, cum agnis. Salve fili David rex Israel verum refugium, verumque solatium omnium, qui in angustia sunt constituti, ære alieno pressi & amaro animo. En recipis omnes imo trahis ad te & alligas imo clavis affigis iuxta te, ne recedant a te. Salve.

§. 225. Vnum à dextris & aliud à sinistris. v. 27.

Quare hoc? viisque propter mysterium, nam in hoc mundo omnes cum Domino crucifigimur & mortificamur totis diebus: sed non omnes à dextris domini. A dextris Christi crucifixitur qui per crucem huius faculæ non infatuatur, non sordescit, sed purgatur & efflorescit. Sed non omnes audiunt vel intelligunt hoc mysterium collocant se vel collocantur ab alijs ad sinistram: ibi in sua cruce Deum blasphemant, ibi proximo maledicunt, ibi occidunt nocentes sibi sine sententia: ibi regna aliena inuidunt sine titulo vero: ibi fortunas proximi rapiunt: ibi commissa sibi negligunt, non commissa defendunt. Ecce duorum latronum mysterium magnum in omnium ratiuum, crucifixorum pro tuo merito personis, medius pendet Christus, illos ut sanctificet plus, hos ut corrigat in melius.

**D**omine Iesu, intelligo, quod sim reus mortis, sum filius latronis Adam & postea latocinatus sum more & exemplo patris mei, captus sum, in carcerem è paradiſo abstractus sum, ibi pœnas do. Sed ecce, colloco me ad dextram tuam, volo esse patiens, volo in patientia mori, nolo Deo irasci, quod velit Adæ posteros mori. Adiuua me obsecro Domine Saluator meus in illa hora & fer mihi opem in lecto doloris mei.

§. 226.